



REPUBLIKA E SHQIPËRISË
ENTI RREGULLATOR I ENERGJISË

Bordi

VENDIM

Nr. 211, Datë 28.12.2017

MBI

**FILLIMIN E PROCEDURËS PËR SHQYRTIMIN E APLIKIMIT TË OSHEE SH.A.
PËR TARIFAT E SHËRBIMIT TË SHPËRNDARJES SË ENERGJISË ELEKTRIKE
SIPAS NIVELIT TË TENSIONIT DHE LËNIEN NË FUQI TË ÇMIMEVE ME PAKICË
PËR KLIENTËT QË SHËRBEHEN NGA FURNIZUESI I SHËRBIMIT UNIVERSAL
PËR VITIN 2018**

Në mbështetje të neneve 16; 19 të Ligjit nr. 43/2015 “Për Sektorin e Energjisë Elektrike”; nenit 19 pika 1, gërma “c” dhe nenit 22 të “Rregullores së organizimit, funksionimit dhe procedurave të ERE-s”, miratuar me Vendimin të Bordit të ERE-s, nr. 96, datë 17.06.2016, si dhe “Metodologjisë së llogaritjes së tarifave të shpërndarjes së energjisë elektrike”, Bordi i Entit Rregullator të Energjisë (E.R.E), në mbledhjen e tij të datës 28.12.2017, mbasi shqyrtoi relacionin e përgatitur nga Drejtoria e Tarifave dhe Çmimeve në lidhje me kërkesën e OSHEE sh.a për fillimin e procedurës procedurës për shqyrtimin e aplikimit të OSHEE sh.a., për tarifat e shërbimit të shpërndarjes së energjisë elektrike sipas nivelit të tensionit dhe lënien në fuqi të çmimeve me pakicë për klientët që shërbehen nga furnizuesi i shërbimit universal për vitin 2018,

Konstatoi se:

- Në respekt të nenit 21 të Rregullores për organizimin, funksionimin dhe procedurat e ERE-s, afati maskimal i paraqitjes së aplikimit për tarifë duhet të ishte data 1 Shtator 2017, në mënyrë që të mundësohej vendimmarrja Brenda muajit Dhjetor të vitit 2017.
- Aplikimit i mungon analiza e detajuar dhe argumentat përkatëse për të gjitha shpenzimet operative për vitin ushtrimor të mbyllur dhe të audituar (2016) dhe e shpenzimeve të pritshme për vitin 2017. Gjithashtu analiza e realizimit të të ardhurave të kerkuara për vitet 2015-2017 duhet të krahasohej me të ardhurat e miratuara dhe diferencat të reflektoshin në të ardhurat e kerkuara për vitin 2018. Kjo në zbatim të pikës 5 të Vendimit nr. 190, datë 22.12.2016, të Bordit të ERE-s e cila përcakton se: *Përditësimi dhe kompensimi i të gjitha efekteve të mundshme financiare për të licensuarit për periudhën 2015 dhe vitin 2016 do të bëhet në periudhën pasardhëse sipas përcaktimve të nenit 20 gërma “c”, të ligjit nr.43/2015 "Për sektorin e energjisë elektrike"*

- Aplikimi nuk plotëson kërkesen nenit 72, të Ligjit nr. 43/2015 “Për sektorin e energjisë elektrike”, për ndarjen e aktiviteteve që vendos si afat përfundimtar datën 31.12.2017.
- Aplikimi nuk përmbush kërkesën e pikës 1 të nenit 109, të Ligjit nr. 43/2015 “Për sektorin e energjisë elektrike”, për afatet e daljes graduale në treg të liberalizuar të klienteve sipas niveleve të tensionit.
- Nuk është paraqitur në aplikim një analizë e detajuar dhe e argumentuar e kostove operative për periudhën e ardhshme 2018, konform dispozitave 7.2 e 7.3 të “Metodologjisë së llogaritjes së tarifave të shpërndarjes së energjisë elektrike”.
- Lidhur me Bilancin Energjistik për vitin 2018, konstatojmë se nuk ka rakordim me parashikimet e bëra nga OST sh.a. për të njëjtën periudhë.
- Paraqitja me vonese e Planit të Investimeve për vitin 2018 në ERE, i cili do të jetë objekt i vendimarrjes së Bordit sipas Rregullores së procedurave të paraqitjes dhe miratimit të planit të investimeve nga operatorët e transmetimit dhe shpërndarjes së energjisë elektrike në përputhje me vendimin nr. 135, datë 06.09.2017,
- Nuk janë paraqitur marreveshjet dypaleshe midis KESH sh.a dhe OSHEE sh.a në zbatim të VKM nr. 519, datë 13.07.2016 “Për Miratimin e Modelit të Tregut të Energjisë Elektrike”.
- Mungesa e argumentimve përkatëse në lidhje me llogaritjen e koeficienteve të propozuar të alokimit, bazuar në strukturën e shitjes si dhe humbjet e energjisë elektrike në rrjetin e shpërndarjes, të cilët janë përdorur për shpërndarjen e kostove në nivele tensioni.
- Perlllogaritja e tarifës në zbatim të ligjeve në fuqi ka marrë parasysh gjendjen e veshtirë financiare që po kalon shoqëria. Në perlllogaritjen e të Ardhurave të Kerkuara janë llogaritur edhe kostot e shkaktuara si pasojë e mosrealizimit të furnizimit nga KESH sh.a. gjatë vitit 2017, për shkak të thatësirës së zgjatur.
- Çmimet për energjinë e blerë nga KESH dhe HEC-et private në kuadrin e detyrimit të shërbimit universal për vitin 2018 parashikohet të jenë respektivisht 1.5 Leke/kWh dhe 8.5 Leke/kWh,
- OSHEE sh.a. i llogarit shpenzimet për mbulimin e humbjeve të energjisë elektrike në rrjetin e shpërndarjes për vitin 2018 si diferencë e shpenzimeve për prokurimin e të gjithë sasisë së energjisë elektrike të lëvruar në rrjetin e shpërndarjes me shpenzimet për blerjen e energjisë së nevojshme për shërbimin e Furnizimit Universal, në të cilin përfshin vetëm 3,413 kWh energji elektrike të blerë nga KESH sh.a. Shpenzimi për mbulimin e humbjeve parashikohet të jetë në shumën **8,905** milion lekë.
- OSHEE sh.a. duke arsyetuar se “*meqenëse tarifa mesatare e përlllogaritur sa më lart për vitin 2018 është thuhet e njëjtë me atë të vitit 2015, duke u mbështetur në përvojën pozitive të arritjeve të periudhës 2015-2017*” propozon që:
 - *Tarifa e shërbimit të shpërndarjes së energjisë elektrike të jetë ajo e miratuar me vendimin Nr147 date 25.12.2014 të Bordit të ERE-s*
 - *Çmimi mesatar i shitjes së energjisë elektrike si dhe çmimet e detajuara për kategoritë e klienteve sipas niveleve të tensionit të jenë ato të miratuara me vendimin Nr.148 date 25.12.2014 të Bordit të ERE-s.*

- Për Vitin 2017 në lidhje me çmimin e shitjes së energjisë nga Prodhuesit me Përparësi konsiderohet i pandryshuar nga ai i përcaktuar për vitin 2016 sic parashikon neni 22 i Ligji nr.7/2017 “Për nixtjen e përdorimit të energjisë nga burimet e rinovueshme”.
- Për vitin 2018 çmimi vjetor i shitjes së energjisë elektrike në përputhje me Vendimin e Këshillit të Ministrave Nr 687, Datë 22.11.2017 “Metodologjia për përcaktimin e çmimit vjetor të blerjes së energjisë elektrike, që do t’u paguhet prodhuesve ekzistues me përparësi”, do të përcaktohet mbas publikimit të Raportit vjetor për tregun e ditës në avancë për vitin 2017, sipas publikimit në faqen zyrtare të Bursës Hungareze.

Për gjithë sa më sipër Bordi i ERE,

Vendosi:

1. Të fillojë procedurën për shqyrtimin e aplikimit të OSHEE sh.a. për përcaktimin e tarifave të shërbimit të shpërndarjes së energjisë elektrike për nivele tensioni për vitin 2018.
2. Lenien në fuqi të Vendimit nr. 13, datë 16.02. 2016 “Mbi tarifën fikse të energjisë elektrike, që do t’u paguhet prodhuesve të energjisë elektrike, nga hidrocentralet për vitin 2016, deri me 31 Dhjetor 2017.
3. Lënien në fuqi të pikës “1” të Vendimit nr. 52, datë 06.04.2017 “Mbi lenien në fuqi të Vendimit nr. 190 datë 22.12.2016 të Bordit të ERE-s”, sipas tabelës më poshtë:

TIPI I AKTIVITETE/IT	NR. I VENDIMIT	TARIFAT E MIRATUARA
Tarifa e shërbimit të shpërndarjes në nivelin e tensionit 35 kV	Nr. 52, Datë 06.04.2017	1.5 Lekë/Kwh
Tarifa e shërbimit të shpërndarjes në nivelin e tensionit 20 kV	Nr. 52, Datë 06.04.2017	3.9 Lekë/Kwh
Tarifa mesatare e shërbimit të shpërndarjes	Nr. 52, Datë 06.04.2017	4.79 Lekë/Kwh
Çmimi I shitjes për Klientët në 20 kV *	Nr. 52, Datë 06.04.2017	11 Lekë/Kwh Në Pik 12.65 Lekë/Kwh
Çmimi I shitjes për Klientët në 10/6 kV *	Nr. 52, Datë 06.04.2017	11 Lekë/Kwh Në Pik 12.65 Lekë/Kwh
* Miratim I përkohshëm për klientët që nuk arrijnë të sigurojnë furnizues në treg për shkak të pamundësisë objektive të operatorëve të sistemit në përputhje me VKM nr. 449, datë 15.06.2016, furnizimi si mundësi e fundit i këtyre klientëve kryhet në të njëjtat kushte me shërbimin universal të furnizimit me çmimet si më lart		

Çmimi I shitjes për Konsumatorët e lidhur në TM dhe me matës në TU	Nr. 52, Datë 06.04.2017	12.4 Lekë/Kwh Në Pik 14.3 Lekë/Kwh
Çmimet e shitjes me pakicë për klientët fundor	Nr. 52, Datë 06.04.2017	*Çmimet paraqiten në tabelën më poshtë
TARIFAT E SHËRBIMEVE TË SHITJES ME PAKICË TË ENERGJISË ELEKTRIKE PËR KLIENËT FUNDOR		
Niveli I tensionit	Cmimi (Leke/kWh)	Cmimi pik (Leke/kWh)
Furra buke dhe prodhim mielli në 10/6 kV	7.1	8.17
Klientë në 0.4 kV	14	16.1
Furra buke dhe prodhim mielli në 0.4 kV	7.6	8.74
Familjarë	9.5	
Tarifa për konsumin e energjisë elektrike në ambientet e përbashkëta (ndricim shkalle, pompe, ashensor)	9.5	
Tarifë fikse e shërbimit për leximin "zero" (Leke/Muaj)	200	
*Cmimi I energjisë reaktive është sa 15% e çmimit të energjisë aktive		
*Orari pik gjatë të cilit do të aplikohet tarifa për energjinë e konsumuar në pik është :		
Për periudhën 1 Nëntor - 31 Mars nga ora 18:00 deri në 22:00		
Për periudhën 1 Prill - 31 Tetor nga ora 19:00 deri në 23:00		

4. Lënien në fuqi të Vendimit nr. 53 datë 06.04.2016 “Mbi çmimin e shitjes së energjisë elektrike nga furnizuesi universal për kategorinë objekte kulti/bashkësi fetare datë 06.04.2017”.
5. OSHEE sh.a, përveç shlyerjes së detyrimeve korente, të kryejë edhe pagesat ndaj KESH sh.a dhe OST sh.a nga detyrimet e prapambetura për qëllime të pagesave të kredive nga OST sh.a dhe KESH sh.a.
6. Rishikimin e të ardhurave të kërkuara të Furnizuesit të Shërbimit Universal në periudhat pasardhëse për shkak të rishikimit të tarifës së shërbimit të shpërndarjes së energjisë elektrike sipas niveleve të tensionit.
7. Drejtoria Juridike dhe e Mbrojtjes së Konsumatorit të njoftojë të interesuarit për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETARI

Petrit AHMETI